


LIX.

Q. D. B. V. !

DISCURSUS JURIDICUS  
exhibens

CONTRACTUUM  
REALIUM SCIAGRA-  
PHIAM.



Quem

Divinâ favente Gratiâ  
*In Illustri Academia Salanâ,*

P R Æ S I D E

DN. JOHANNES CHRISTO-  
PHORUS Falschner/J. U. D. & Prof. Publ.

Extraordinario,

*Publicè in Auditorio Jctorum*

*die 30. Aprilis ventilandum*

propones

BURCHARDUS ab Hahnstein/

Eques Eichsfeldensis,

AUTOR.

---

JENÆ

Typis JOHANNIS NISII,

ANNO MDCLXII.

CONTRACTUM

REALIUM SOCIAR

DR. JOHANNES CHRISTO

THOMAS J. J. J. J. J.

BURCHARDUS

# I. N. D. N. J. C.

*Thes. 1.*



Xpositurus materiam contractuum realium melioris cognitionis gratia ante omnia, quid in genere contractus sit, præmittam, ne sollicitus de speciebus videar generis ignarus; Non malè ita quis contractum definierit, quod sit conventio cum causâ, i. e. cum datione vel factò, ut ex Accursio verba illa interpretatur *Sutholt Diss. 12. aph. 44.* producens suâ virtute obligationem ad agendum efficacem *L. 7. §. 1. 2. & seqq. ff. de pact. L. 15. in fin. ff. de prescript. verb.*

*Thes. 2.*

Reales in specie contractus dicuntur, qui traditione rei constituuntur, h. e. in quibus consensus (quippe qui ad omnium contractuum essentiam genericam requiritur) non videtur intervenisse, nec obligatio nata, priusquam res tradita sit, *Wesembec. π. ff. de reb. cred. n. 5. Sutholt. Dissert. 13. aph. 2.* ad eoque rei traditio initium obligationi præbet, ut de ejusmodi contractibus scribit *JCrus in L. 1. §. 2. ff. de rer. permut.* At contractus consensuales, item verbalem, nec non literalem, licet hi æquè ut Reales pro objecto habeant res & facta, rei traditio vel facti præstatio non constituit, siquidem consensuales solò contrahentium consensu pr.

*Inst. de empt. vend. verbalis qualicunq; congruâ interrogatione & responsione §. 1. Inst. de verb. obl. & deniq; literalis sive Chirographarius literis, quibus quis sibi pecuniam esse numeratam confitetur, eandemquè ad reddendam se obligat, incuntur, §. un. Inst. de lit. Obligation.*

*Thef. 3.*

Traditur autem in contractibus realibus vel quantitas & dicitur Mutuum, *pr. Inst. quibus mod. re contrah. obl. vel corpus sive species aliqua, hæcquè vel datur ad usum, & dicitur Commodatum §. 2. Inst. eod. vel ut asservetur, & dicitur Depositum §. 3. eod. vel in securitatem crediti, & vocatur Pignus §. ult. eod. quam contractuum Realium quadrigam ordine exponam, & quidem ubique etymologiam ac definitionem cujuslibet contractus præmittam, hisque præmissis in personas contrahentes, objectum, formam, obligationem, & denique in actionem, quæ ex quolibet horum contractuum competit, inquiram.*

## DE MUTUO.

*Thef. 4.*

**P**rima contractuum realium species Mutuum est, quod unde dictum sit, breviter & *in rapido* monebo: Mutuum, ut existimat Imperator noster, inde appellatum est, quod ex meotuum fiat *pr. Inst. quibus mod. re contrah. obl. L. 2. §. 2 ff. de reb. cred. L. 34. pr. ff. mandat. nam postquam creditor mutuo pecuniam dedit, dominium ejus statim in accipientem transtulit. Alii à Græcis Mutui Etymologiam mutuo acceptam esse existimant, de quibus videatur *Wesensbec. π. ff. tit. de reb. cred. n. 8.* Verùm licet horum quoque Etymologia*



etymologia concedi queat, tamen ab eâ, quam Imperator  
noster nobis reliquit, temerè recedendum non esse  
existimo, cum notum sit, JCros in derivationibus  
ad rem potius, quàm ad verba respicere, *arg. pr. Inst. de  
Testam. ord.* *Thes. 5.*

Et si verò in permutatione quoq; nec non emptio-  
ne venditione de meo tuum fiat, id tamen datæ Mutui  
Etymologiæ vitium non attrahit, siquidem non omnis  
Etymologia essentialis & adæquata est, sed quædam acci-  
dentalis, quæ cum re non reciprocatur, quemadmo-  
dum & notatio Testamenti, quod sit mentis testatio,  
*d. pr. Instit. de Testam. ord.* cum testamento non conver-  
titur: Ut enim non sequitur, Omnis homo est bipes,  
E. omne bipes est homo, ita nec argumentari licet, O-  
mnne testamentum est testatio mentis. E. omnis testatio  
mentis est testamentum, quippe regulis Logicorum id  
repugnaret, nec enim potest universalis affirmans ut uni-  
versalis negans universaliter converti nisi quod inter-  
dum id rationem materiæ fiat. *Add, Everhard. in Top. loc. ab  
Etymolog.*

*Thes. 6.*

Etymologiam excipit Definitio: Definiri mutu-  
um potest, quod sit contractus realis nominatus jure  
gentium introductus, quo res fungibilis eâ lege alteri  
datur, ut eandem in genere reddat. §. 2. *in fin. Inst. de l.  
N. G. & C. §. ult. Inst. de obl. pr. Inst. quibus mod. re contrah.  
obl. l. 1. §. 2. ff. de O. & A. l. 5. ff. de l. & l. 2 §. 1 & 3.  
& l. 3. ff. de reb. cred. l. 11. §. 1. ff. eod. l. 17. ff. de pact.  
l. 99. ff. de Solution. Suctholt. Diss. 13, aph. 7.*

*Thes. 7.*

Definitionem hanc alii suppleant, huncq; contra-  
A 3 tum

Etum non tantum realem nominatum & à jure gentium  
introducunt, sed etiam stricti juris esse dicunt, sed quin  
verba illa **STRICTI JURIS** salvâ & integrâ  
mutui definitione omitti queant, non dubito, nam  
quia (ut ex allatâ definitione constat) eâ lege alteri rem  
fungibilem damus, ut eandem in genere i. e. tantum e-  
jusdem generis nobis reddatur *L. 2. & L. 3. ff. de reb.  
cred. ac ultra id, quod datum est, non contrahitur L. 17.  
pr. ff. de pact.* eo ipso hunc contractum stricti juris esse  
innuitur. §. 28. *Inst. de action.*

*Thef. 8.*

Contractum hunc ineunt Creditor dans & Debi-  
tor accipiens mutuum : Hinc, quia mutuum est con-  
tractus, omnis autem contractus consensum præsuppo-  
nit, in creditore mutuum dante (1.) requiritur, ut pos-  
sit consentire, *L. 1. §. 3. ff. de pact. L. 55. de O. & A. (2.)*  
ut rerum, quas mutuo alteri dare vult, dominium & ad-  
ministrationem liberam habeat *L. 2. §. 4. & L. 16. ff. de  
reb. cred. L. 21. C. mand. Treutl. vol. 1. D. 20. th. 4. lit. 5.*

*Thef. 9.*

Idcirco mutuum dare nequit (1.) Furiosus ob phy-  
sicum animi defectum, ob quem consentire nequit, §.  
8. *Inst. de inutil stipul. L. 12. ff. d reb. cred. L. 24. ff. de O. &  
A. L. 5. & L. 40. ff. de R. J. cum habeatur loco absentis  
ac dormientis, L. 2. §. 3. ff. de Jur. Crdicill. L. 124. §. 1. ff.  
de R. J. Idem quoq; ob paritatem rationis de demente,  
sive eô, qui tranquillâ mentis alienatione laborat, dicen-  
dum, Bronchorst. ad. L. 5. ff. de R. J.*

*Thef. 10.*

2. Prodigus, qui in jure nostro æquiparetur furi-  
oso §. 3. *Inst. de Curat. L. 40. ff. de R. J.* ut enim furioso  
con-

consentiendi facultas, quæ ab usu rationis sive intellectus ac voluntatis dependet, deficit physicè *d. L. 5. ff. de R. J. L. 40. ff. rod. L. 3. ff. de aut. tut. L. 1. §. 12. ff. de Obl. & Alt.* ita etiam in prodigo (eo sc. cui decreto Magistratus bonis interdictum est *L. 6. ff. de V. O.*) consensus moraliter deest *d. L. 40. ff. de R. J. L. 1. L. 6. & L. 16. ff. de Curat. furios.*

*Thes. 11.*

3. Pupillus sine tutoris autoritate mutuum dare nequit, §. ult. *Inst. quib. alien. lic. L. 19 §. 1. ff. de reb. cred. L. 3. §. 2. ff. ad SCt. Maced.* mutuum enim non contrahitur, nisi dominium in debitorem transferatur *d. §. ult. Inst. quib. alien. lic. vel non. L. 2. §. 2. ff. de reb. cred.* quod à pupillo, quia bona suâ non administrat, fieri nequit *pr. Inst. de aut. tut. Bachov. d. §. ult. n. 1.*

*Thes. 12.*

4. Fur rem furtivam in contractum Mutui deducere nequit *arg. L. 2. §. 4. ff. de reb. cred.* talis enim res ita ad eum, qui illam accipit, transit, prout fuit apud eum, qui illam tradidit, ut loquitur *Everhard. Bronchorst. ad L. 54. ff. de R. J.* nemo siquidem plus juris ad alium transferre potest, quàm ipse habet *d. L. 54. ff. de R. J. L. 20. ff. de acquir. rer. dom.*

*Thes. 13.*

De socio quæritur, an is mutuam pecuniam aliis dare possit? Resp. distinguendo inter pecuniam propriam & communem: Propriam si dedit, eam mutuam efficit, at communem ex suâ tantùm parte, nisi & reliqui socii in mutuum consenserint. *L. 16 ff. de reb. cred. L. 14. §. ult. cod. L. 94. §. 1. ff. de Solution. L. 67. §. 1. ff. pro soc.*

*Thes. 14.*

*Thes. 14.*

Mutuum dari potest iis, qui sibi dominium acquirere & ex contractu aliis obligari possunt: Hinc (1) Pupillus licet accipiendo conditionem suam etiam sine tutoris autoritate meliorem facere possit, *pr. Inst. de aut. tut.* mutuum sine Tutoris autoritate accipere nequit *arg. §. ult. Inst. quib. alien. lic. vel non, L. 9. pr. ff. de aut. tut. L. 59. ff. de Q. & A. L. 189. ff. de R. J.* Quod si verò pupillus pubertati proximus dolosè mutuum ab aliquò ellicerit, vel locupletior ex acceptò mutuò factus fuerit, quoad id reddendum etiam civiliter obligetur, nondubito, siquidem dolus & malitia suppleant ætatem *L. 3. pr. ff. commod. L. 111. pr. ff. de R. J. L. 1. §. 15. ff. de pos. L. 13. §. ult. ff. de dol. mal. L. 9. ff. de aut. tut. L. 1. §. 15. ff. de pos. L. 66. ff. de solution.*

*Thes. 15.*

2. Furiosis, & qui his æquiparantur, prodigis sine tutorum vel curatorum autoritate mutuum dari nequit, cum (ut ex *Th. 8.* constat) in omni conventionem utriusque contrahentis consensus requiratur, at verò is in furiosò physicè s. naturaliter, & in prodigo moraliter deficiat.

*Thes. 16.*

3. Favore Parentum & odio sceneratorum constitutum est SCto Macedoniano, ne filiosfam. sine consensu Patris mutuum dari, hocque dato nec contra Patrem, cujus in potestate filius tùm fuit, nec contra ipsum filium, nec hujus fidejussorem actio petitioque competere possit *L. 1. pr. L. 7. §. 10. L. 9. §. 3. ff. ad SCr. Maced.* An autem filiosfam. huic SCto renunciare possit, quaeritur? Et Resp. Neg. *arg. L. 1. ff. ad SCr. Maced. junct. L. 7. §. 14. & L. 27. §. 4. ff. de pact.* Accedit ratio, quod hoc SCrum



SCtum non in filiorumfam. sed in parentum favorem  
& in odium foeneratorum latum sit, publicè enim ex-  
pedit, ut juvenum luxus & corruptela in perniciem  
Parentum tendens cohibeatur *§. 7. Inst. quod cum eo, qui  
in alien. potest. negot. gest. L. 1. pr. vers. Et sapè ff. ad SCr.  
Maced.*

*Thes. 17.*

Aliquando verò hoc SCtum cessat, ut (1) Si fili-  
usfam. habuerit peculium castrense vel qs. castrense,  
tunc enim usque ad ejus quantitatem hoc SCtum ces-  
sat, quoniam filiusfam. respectu istorum peculiorum  
pro Patrefamil. habetur. *L. 1. §. ult. & L. 2. ff. ad SCr.  
Maced. L. 5. C. eod. L. 2. & L. 4. §. 1. ff. de Castrens. pecul.*  
2. Si quis vel publicè vel ex justâ ignorantia à creditore  
pro Patrefamiliâs habetur, vel filiusfam. se patremfam.  
simulavit *L. 3. pr. ff. & L. 1. & 2. C. de SCr. Maced. L. 10.  
ff. de re judic. L. 4. §. 14. ff. de dol. mal. & met. exceptioni.*  
3. Si filiusfam. factus Paterfam. debitum agnovit *L. 7. §.  
ult. L. 9. pr. ff. ad SCr. Maced. L. 2. C. eod.*

*Thes. 18.*

Objectum Mutui sunt res fungibiles cōsistentes  
in quantitate, i. e. pondere, numero, vel mensurâ *pr.  
Inst. quib. mod. re contrah. obl. L. 2. §. 1. ff. de reb. cred. L.  
1. §. 2. & 3. ff. de O. & A. modò mutuantis propriæ sint,*  
nam res aliena mutuo dari nequit *L. 11. §. ult. L. 13. pr.  
L. 19. §. 1. in fin. ff. de reb. cred. Susolt. Dissert. 13. aph. 14.*  
Ratione ponderis in mutuum cadunt aurum, argen-  
tum, caro, pisces &c. Numero constant & ratione e-  
jus in mutuū veniunt præcipuè nummi, quod mutu-  
um specialiter Creditum appellari solet. Ratione deniq;  
mensuræ mutuo datur vinum, triticum, hordeum &c.  
*Add. Wesenbec. π. ff. de reb. Cred. n. 11.*

B

*Thes.*

Forma Mutui specifica (nam generica consistit in consensu Th. 2.) consistit in traditione & translatione domini *pr. Inst. quib. mod. re contrah. obl. L. 2. §. 3. verb. nisi proficiatur pecunia ff. de reb. cred. ibique Gothofredus* adeoque mutuum, quia contractus realis est, non nisi rei interventu contrahitur. Non incommode hic quaeritur, an, si quis chirographo se 100. debere confessus est, quos tamen dato chirographo non accepit, ex chirographo sive confessione illâ conveniri possit? Resp. affirm. §. *un. Inst. de Lit. Obl. & t. r. C. de non num. pecun.* Accedit ratio, quod, si ipso jure quis ex chirographo non teneretur, literarum obligatio frustranea esset. Quod si tamen pecunia debitori Chirographum danti numerata non est, hic exceptionem non numeratae pecuniae & quidem intra biennium opponere potest *d. §. un. Inst. de lit. obl. L. 3. L. 13. & 14. C. de non num. pecun.*

Quia traditione rei (quâ dominia rerum transferuntur, §. 40. *Instit. de divis. rer. & acquir. ear. dom.*) contractus Mutui constituitur, traditio autem alia vera alia ficta est, hinc non tantum mutuum est, si alicui pecunia, ut eam mutuam habeat, adnumeratur, sed etiam, si pecunia olim apud aliquem deposita huic ut eam mutuam jam habeat conceditur *arg. L. 43. §. 1. ff. de Jur. dot. L. 3. §. ult. ff. de don. inter vir. & ux. item si debitorem meum jussero, ut alteri det pecuniam L. 15. ff. de reb. cred. item si alicui pecuniam mutuam roganti poculum argenteum do, ut illud vendat, & pretium exinde acceptum mutuum habeat, nam insecutâ vendi-*

venditione pretium efficitur mutuum *L. 11. ff. de reb. cred. L. 19. ff. de praescript. verb.*

*Thes. 21.*

Obligatio, quæ ex contractu mutui oritur, mutua non est utriusque contrahentis, cum debitor saltem, qui mutuum accepit, ex hoc contractu obligetur creditori sive ei, qui mutuum dedit. Et quidem obligatur debitor ad rem restituendam ejusdem generis & bonitatis, quâ data est *pr. Inst. quib. mod. re contrah. obl. L. 2. pr. ff. de reb. cred.* licet id in contractu expressum non sit. *L. 3. ff. eod.* quod enim natura contractus alicujus requirit, id speciatim exprimi necesse non est: Hinc consequitur, quod, ut aliàs, ita etiam hîc aliud pro aliô adeoque frumentum vel vinum pro pecuniâ numeratâ invito creditori solvi non possit *L. 2. §. 1. L. 3. L. 99. ff. de solution. L. 16. C. eod. Wesenb. π ff. de reb. cred. n. 12.* Si autem pecuniam, aurum vel argentum vel pretiosa mobilia debitor non habet, offerendo bona meliora ad electionem creditoris à debito liberatur. *Auth. Hoc nisi debitor C. de solution. Antonin. Tessaure. decis. 153. num. 3.*

*Thes. 22.*

Imò etiam cum res mutuata casu quodam fortuito perit, hunc præstare, atque rem ejusdem generis & bonitatis creditori reddere obstringitur debitor *L. 1. §. 4. ff. de Obl. & Act. L. 11. C. si cert. pet. & arg. L. 9. C. de pignor. action.* per traditionem enim rei mutuatae dominium translatum est in mutuatarium sive debitorem *pr. Inst. quib. mod. re contrah. obl. L. 2. §. 3. & L. 15. ff. de reb. cred.* domino autem res sua perit *L. 9. C. de pignor. action.*

Quod si autem res mutuata non in totum periit, sed e. g. pecuniæ mutatio saltem contigit, an tempus initi contractus, an verò solutionis spectari debeat quaeritur? Ex utraque parte quaestio hæc defensores invenit; Ego eorum sententiam, qui indistinctè secundum bonitatem & qualitatem, quam contractus tempore habuerunt, restituendos esse nummos putant, defendere conabor. *L. 3. ff. de reb. cred. L. 99. ff. de solution. & liberation. pr. Inst. quib. mod. re contrah. obl. Vid. Coler. in process. executiv. part. 1. c. 10. n. 14. nec non Anton. Tessaure. decis. 174. n. 1. Matth. de Affict. decis. 194. n. 1. & 2.* Variè circa hanc quaestionem distinguitur in *Consult. Constit. Sax. tom. 1. part. 1. quest. 16.*

Actio, quæ ex contractu mutui datur, dicitur generaliter certi conditio *pr. Inst. quib. mod. re contrah. obl. L. 9. ff. de reb. cred.* Specialiùs verò Actio ex mutuò vocatur *§. 22. Inst. de Act. L. 5. C. quib. non objic. long. temp. prescrip.* Et quia contractus hic ex unâ saltem parte obligatorius est, ut apparet ex *Th. 21.* id eoquæ Actio hæc ex mutuò saltem creditori ad recipiendum id, quod ipsi ex hoc contractu debetur, contra debitorem datur *L. 5. L. 13. & L. 15. C. si cert. pet.* Quia verò mutuum ad hoc datur, ut ex meo tuum fiat, adeoque pecunia mutuo accepta debitori profit, ideò si mutuum sine die adjecto alteri datum, id ab eo confestim repeti nequit, sed aliquod temporis spacium concedendum est debitori, intra quod re fungibili commodè uti possit *L. 17. §. 3. ff. commod. arg. l. res. ff. de solution.*



*Thes. 25.*

Quia mutuo plerumque usurarum stipulatio adjici solet, corollarii loco Q An usurae sint licitae? Et has omni jure illicitas esse tradit *Schepliz in prompt. Jur. Tit. 19. n. 1. & 2. nec non Anton. Tessaure. decis. 57. n. 2.* Verum contrarium verius, atque usuras omni jure licitas esse existimo *1. 1. ff. & C. de usur. & fruct. gloss. in c. 8. de usur. add. Constit. Saxon. tom. 1. part. 1. q. 6. & tom. 2. part. 1. q. 17.* Porro Q. an pecunia ad ludendum mutuo data repeti possit? Sed de hac quaestione videatur *Berlich. decis. 66.* ubi primò inter mutuantes, horumque scientiam vel ignorantiam, & secundò inter tempora distinguit.

## DE COMMODATO.

*Thes. 26.*

Observatò sacratissimi Imperatoris nostri Justiniani ordine §. 2. *Instit. quibus mod. re contrah. obl.* progredior ad secundam contractuum realium speciem, quae dicitur Commodatum. Commodatum *Matth. Wesenbec. π. ff. tit. commod. n. 2.* aliique, quos vide allegatos apud *Rittershus. d. §. 2.* dictum putant, quasi cum modo datum. Verum cum etiam in aliis contractibus quid cum certò modò detur, e. g. in emptione venditione res, ut detur pretium, item mutuum cum hoc modo detur, ut tantundem nobis reddatur, rectius Commodatum à commodo dictum puto.

*Thes. 27.*

Et si verò ex aliis contractibus æquè ut ex commodatò commodum aliquod percipiamus, siquidem ex mutuo hoc nobis commodum obvenit, quod mutuo utamur, ex pignore, quod hoc acceptò securi redda-

mur §. *ulr. Inst. quibus mod. re contrah. obl.* Ex stipulatione, quod rem promissam consequamur *r. t. Inst. de verb. obl.* Commodati tamen nomen huic secundæ Contractuum Realium speciei speciale factum est.

*Thes. 28.*

Est, autem COMMODATUM contractus realis, quo res aliqua gratis alicui ad certum usum eâ lege conceditur, ut finito illo usu rem eandem in specie restituat, §. 2. *Inst. quibus mod. re contrah. obl. L. 5. §. 8. & §. 12. L. 17. §. 3. ff. commod. Sutholt Dissert. 13. aph. 27.*

*Thes. 29.*

Contractum hunc incunt Commodans & Commodatarius *L. 2. ff. Commod.* In utroque, ut consentire possit, requiritur, cum in omnibus contractibus & conventionibus consensus necessarius sit, *Th. 8.* at ut rei, quam alteri commodamus, dominium habeamus, necessarium non est, nam etiam re alienam alteri commodare possumus *L. 1. L. 15. ff. commod.* ob rationem, quam reddit *L. 8 & 9. ff. eod.* quoniam & proprietatem rei commodatæ retinemus, nemoque commodando rem facitejus, cui commodat.

*Thes. 30.*

Objectum hujus contractus sunt res, quæ usu non consumuntur *L. 3. §. ulr. ff. commod.* ideoque res fungibiles, quæ vel usu naturali, ut triticum, vinum, oleum, vel civili, ut pecunia, consumuntur, objectum hujus contractus habile non sunt. Differt itaque commodatum à Mutuò dupliciter 1. Quod objectum commodati sit res, quæ usu non consumitur, *d. L. 3. §. ulr.* 2. Quod objectum commodati possit esse res aliena, at non Mutui, nam de mutui essentia est, ut rei traditæ domini-

minium transeat in accipientem , at in contractu commodati dominium non transfertur in commodatarium, nam quia hic solum spectat usus , nihil ejus interest, quam re utatur, utrum commodantis, an verò alterius cujusdam, *L. 15. & L. 16. ff. commod.*

*Thef. 31.*

2. Differt commodatum à contractu Depositum

(1.) Quod res commodata tradatur ad certum usum, *d. §. 2. Inst. quibus mod. re contrah. obl. L. 5. §. 8. L. 17. §. 3. ff. commod.* at re deposita depositario uti permissum non sit, *§. 3. Inst. quibus mod. re contrah. obl. L. 1. L. 24. ff. depos.* 2. Quod rem depositam pro lubitu revocare liceat deponenti, *d. §. 3.* At rem commodatam non nisi finitò certò usu, *d. §. 2.*

*Thef. 32.*

3. Ex quò emanat tertia differentia, quæ intercedit inter hunc contractum & precarium, nam precarium licet maximè affine sit commodato, *L. 1. §. 3. ff. de precar.* idem tamen cum commodato non est, nam in commodato certus exprimitur usus certumque tempus : at precarium neque ad certum usum neque ad certum tempus alicui conceditur, sed quotiescunque libitum æquè ut Depositum repeti potest, *L. 2. §. 2. L. 12. ff. de precar. junct. L. 7. §. 3. ff. Commod. Matth. VVesenbec π ff. de precar. n. 3. & 4.*

*Thef. 33.*

4. Ratione objecti etiam à pignore differt commodatum, nam ut constat ex *Th. 30.* commodatum admittit etiam rem alienam, at pignus eam respuit, & ut res oppignorata debitoris sit, planè contractus Pignoris requirit, ut apparet ex *Th. 37.*

*Thef. 34.*

*Thes. 34.*

5. Denique differt commodatum à Locatione: Nam licet in commodatō æquè ac in Locatione nobis usus rei alienæ concedatur, non tamen eodem nobis conceditur modo, nam ibi pro certâ mercede, hic verò gratis re utimur alienâ *pr. Inst. de Locat. conduct. §. 2. in fin. Inst. quib. mod. re contrah. obl.*

*Thes. 35.*

Et hinc quasi ex fonte forma hujus contractus pro-  
manat, quæ consistit in eò, ut res, quæ usu non con-  
sumitur, sive ea propria sit, sive aliena, tradatur alicui  
ad certum & tempore determinatum usum, & quidem  
gratis *§. 2. in fin. Inst. quib. mod. re contrah. obl. L. 5. §. 8. L. 17. §. 3. ff. commod. nec, ut constat ex Th. 31. ante finitum  
usum revocetur.*

*Thes. 36.*

Commodatum ex suâ naturâ contractum *μονόπλευ-  
ρον* sive unilateralem esse, sed ex accidenti saltem *δύ-  
πλευρον* seu bilateralem fieri existimo, nam non magis  
commodans commodatario, quam mutuans mutua-  
tario obligaretur, nisi id, (ut constat *ex Th. 44.*) ex ac-  
cidenti fieret.

*Thes. 37.*

Obligatur itaque ex hoc contractu secundum na-  
turam suam saltem commodatarius ad hoc, ut tempesti-  
vè rem commodatam commodanti restituat, & qui-  
dem 1. eandem in individuo: In quò differt à Mutuo, in  
hoc enim non idem individuum, sed alia pro re acce-  
ptâ res restituitur, modò ejusdem generis & qualitatis  
sit *L. 3. ff. de reb. cred. 2. Ut in contractu mutui res ejus-  
dem generis & bonitatis restituenda est d. L. 3. ita & in  
contra-*



contractu commodati res in eadem, quâ accepta est, bonitate à commodatario restituenda est commodanti *L. 3. §. 1. ff. commod.* ideoque si commodatarius rem culpâ suâ deteriore reddidit, non liberatur, nisi simul interesse solvat *d. L. 3. §. 1.* Imò si tanta rei commodatæ deterioratio intervenit, ut commodanti rem habere planè non expediat, æstimationem rei quasi in totum peremptæ solvere commodatarius summa æquitate compellitur *Magnif. D. Doct. Ludw. in not. ad Wesenb. r. ff. commod. n. 10.* 3. Non solum res commodata, sed etiam fructus, si qui ex eâ provenerunt, commodanti restitui debent, hinc si equam tibi commodavi, & ex eâ pullus natus fuerit, hunc cum equâ mihi restituere debes *L. 5. §. 9. ff. commod.* quæ enim ex animalibus domitio meo subjectis nascuntur, mihi adquiruntur *§. 19. ff. de divis. rerum, & acquir. ear. dom.*

*Thes. 38.*

Et quia res commodata, ut constat ex *Th. preced.* eadem, quâ accepta est, bonitate restituenda est, imò commodatarius, quia hujus solius utilitas in hoc contractu subest, hicque gratis rem commodatam tenet, atque ne commodanti suum officium sit damnum, diligentiam in summò gradu exactam, huicque positam culpam levisimam sive damnum etiam levisimâ ipsius culpâ datum præstare tenetur *L. 5. §. 2. ff. commod. §. 2. Inst. quib. mod. re contrah. obl. L. 23. ff. de R. big. Dn. Prafes in lection. publ.*

*Thes. 39.*

Excipiuntur tamen quatuor casus: ut 1. si sponsus maritus sponsæ vel uxori ornamenta, quo honesti-  
ad se deduceretur, commodaverit, eaque amissa

C fuerint

fuerint, tunc enim dolus saltem & (quam dolus includit *§. 3. Inst. quib. mod. re contrah. obl.*) lata culpa præstari debent *L. 5. §. 10. ff. commod.* quoniam hic non tam accipientis sponsæ, quàm sponsi tradentis honor ac utilitas subest.

*Thes. 40.*

2. Si commodatum utriusque contrahentis gratia celebratum, e. g. si Titius & Sejus conjunctim & communibus sumptibus convivium aliquod instruxerint, & Titius pocula argentea Sejo, in cujus ædibus convivium paratum, commodaverit, eaque amissa fuerint, Sejus dolum, culpam latam & levem præstare tenetur *L. 18. vers. hac ita si duntaxat &c. ff. commod.*

*Thes. 41.*

3. Si commodans mercedem acceperit, nam quia commodatum gratuitum esse debet *§. 2. in fin. Inst. quib. mod. re contrah. obl.* & propterea, quod gratuitum sit, solaque commodatarii sive accipientis utilitas subest, etiam levisissima culpa à commodatariò præstanda est, ideò cessante ratione juris cessat ipsum jus, & hinc si commodans mercedem acceperit, itidem dolus saltem culpa lata & levis præstari debent, quoniam, hoc casu utriusque contrahentis utilitas subest *d. L. 5. §. 2. ff. commod.*

*Thes. 42.*

4. Si vel commodatarius re commodatâ aliter, quàm concessum, usus fuerit, & postea res casu perierit, vel si expressè inter contrahentes etiam de casu fortuito præstando conventum fuerit, vel si denique commodatarij in morâ restituendi fuerit, & res casu perierit, casum quoque præstare debet *§. 2. verb. si modò non ipsius culpa &c. Inst. quib. mod. re contrah. obl. L. 1. pr. ff. de pact. C. un. de commod. L. 23. ff. de R. J. ibi; Dn. Pras. in lect. ion.*

*publ.*

*publ.* Imò furti reus pronunciat<sup>r</sup> commodatarius, qui sciens re commodatâ aliter, quàm commodans permittit, utitur §. 7. *Inst. de obl. quæ ex delict. nasc.* L. 5. §. 7. & §. ff. commod. *Consult. Const. Sax. tom. 3. pars. 4. quæst. 8. n. 33.*

*Thef. 43.*

Oritur ex hoc contractu secundum naturam ejus actio commodati, quæ cum adposito directâ item principalis appellatur, L. 17. §. 1. & L. 18. §. ult. ff. commod. secundum enim naturam hujus contractus principaliter saltem commodatarius hujusq; heres ex hoc contractu obligatur commodanti hujusq; heredi adeoq; principaliter saltem actio commodati datur commodanti hujusque heredi, contra commodatarium ejusque heredem ad restituendam rem commodatam, & quidem secundum modum in Th. 36. & 38. traditum.

*Thef. 44.*

Sed cum contra naturam hujus contractus, quæ in hoc, ut aliis beneficiamus, consistit, interdum & ex accidenti eveniat, ut commodatarius aliquod incommodum sentiat, fortè quod necessariò ipsi aliquid impendendum fuerit in rem commodatam L. 18. §. 2. ff. commod. vel quod commodans intempestivè rem commodatam revocare voluerit L. 17. §. 3. ff. cod. vel quod dolosè commodans re commodatâ commodatario magis nocuerit, quàm profuerit, e. g. si vasa corrupta, ut in his vinum infusum corrumpere<sup>r</sup>, dolosè & scienter commodaverit, d. L. 17. §. 3. & L. penult. ff. cod. tunc ex accidenti & è contrariò commodans commodatario obligatur, ut vel impensas necessarias in rem commodatam factas ipsi restituat, vel tantum ipsi præstet, quanti ipsius interest rem commodatam ante finitum

tum usum non revocari vel ipsi non nocere, & ad consequendum hoc datur commodatario contra commodantem actio commodati contraria *L. 18. §. ult. ff. commod.*

*Thef. 45.*

Subtilis & variè agitata quaestio est, an in contractu commodati locum habeat compensatio? Communis Doctorum opinio est, compensationi locum esse. Verùm contrarium potius amplector tum propter *L. ult. C. de commod.* tum *arg. §. 30. in fin. Inst. de act.* siquidem ratio, cur in deposito compensatio locum non habeat, in commodato eadem imò major est, ut in consuetu ostendam ac defendam.

## DE DEPOSITO.

*Thef. 46.*

Tertia contractuum Realium species est DEPOSITUM. Vocabulum hoc originem suam à præpositione DE & verbo PONO trahit, ut enim in aliis quibusdam verbis compositis e. g. in verbo DENOTARE, DEMERERI, DEPERIRE & similibus, ita etiam in verbo DEPONERE præpositio illa significationem auget atq; ostendit, id, quod apud aliquem deponitur, totum fidei ejus esse commissum *L. 1. pr. ff. Depos. Illig. ad Donell. 14. comm. c. 2. lit. f. Harprecht. ad §. 3. Inst. quibus mod. re contrah. obl. n. 1.*

*Thef. 47.*

Est autem DEPOSITUM contractus realis, quo alicui res aliqua traditur eâ lege, ut illam gratis custodiat & asservet, eademque numero deponenti quando-  
cunque reposcenti restituatur *§. 3. Inst. quib. mod. re contrah.*

*obl.*



*obl. L. 1. & L. 24. ff. Depof. L. 10. & pen. C. cod. L. 1. §. 5. ff. de O. & A. L. 3. §. 1. ff. Naut. caup. stab. ut recept. restit. Sut. holt. Diff. 13. aph. 52. Ultra Depositum in specie ita dictum datur & aliud latè ita dictum Depositum, quod strictè sive propriè dicitur Sequestratio L. 5. §. 1. & L. 7. ff. Depof. L. 9. §. 3. ff. de dol. mal.*

*Thef. 48.*

Differt Sequestratio à Deposito strictè & in specie accepto præprimis in his (1) quod hujus (sc. Depositum) objectum sit res non litigiosa, at illius (Sequestrationis sc.) non nisi res litigiosa *L. 17. & L. 33. ff. depof. 2. Quod deponi possit tam à pluribus quàm ab unò, at sequestrari non nisi à pluribus d. L. 17. pr. ff. depof. Harprecht. §. 3. Inst. quib. mod. re contrah. obl. n. 60. & quidem lite finitâ ut triumphanti restituatur. Sut holt. dict. Diff. 13. aph. 53.*

*Thef. 49.*

Contractum Depositum incunt Deponens sive is, qui rem suam alteri gratis custodiendam & asservandam tradit, & Depositarius sive is, qui rem illam suscipit, uterque autem, ut consentire possit, requiritur, quoniam omnes contractus consensum requirunt *L. 1. §. 3. vers. ad cò autem & re. ff. de pact. L. 55. ff. de O. & A.* Hinc impuberem, sive is infans sit, sive infantia aut pubertati proximus, quia vel nullus, vel exiguus ejus est intellectus, sine tutoris autoritate sicut ex aliis contractibus, ita & ex hoc contractu non obligari consequitur, §. 9. & 10. *Inst. de inutil. stipul. L. 1. §. 13. L. 59. ff. de O. & A. L. 41. ff. de Condi& indeb.*

*Thef. 50.*

Sic quoque nec furiosus *L. 1. §. 12. ff. de O. & A.*

*L. 5. & L. 40. ff. de R. 1. nec minor L. 3. C. de in integr. restitution. nec prodigus L. 6. ff. de V. O. L. 29. ff. de conditioni. indeb. L. 9. §. 7. ff. de reb. cred. L. 40. ff. de R. 1. absque curatore depositi tenentur, Harprecht, ad §. 3. Instit. quib. mod. re contrah. obl. n. 14.*

*Thef. 51.*

Objectum hujus contractus quidam, inter quos etiam est *Rittersh. in §. 3. Instit. quib. mod. re contrah. obl.* & quem hic ibidem allegavit *Oldendorpius*, restringunt saltem ad res mobiles, immobiles autem deponi posse negant per *L. 1. pr. verb. Datum ff. Depos.* Verum rejecta illorum sententia contrariam veriore esse existimo, adeoque 1. Depositi objectum esse possunt non tantum res mobiles, sed & immobiles *arg. L. 11. verb. in insula custodienda &c. ff. de peric. & comm. rei vend. L. 36. ff. de act. empt. vend. L. 3. §. ult. ff. de acquir. vel amitt. poss.* ubi res immobiles custodiam alterius commendari dicuntur, E. & depositi objectum esse possunt, cum deponere nihil aliud sit, quam curam & fidei alterius rem committere *L. 24. verb. quid est enim &c. ff. de pos. imò ipsum Depositum dicitur Commendatum, L. 9. C. eod. L. 186. ff. de V. S.* 2. Nisi depositum in rebus immobilibus (præcipue in quibus sequestratio consistit) quoque consistere posset, tunc ne late quidem res sequestrata dici posset deposita, *L. 17. pr. & §. 1. ff. de pos.* 3. Accedit, quod Depositi objectum indefinite constituatur res, *L. 1. §. 1. & passim ff. de pos.* rei autem appellatione etiam immobiles venire extra dubium est, *L. 5. ibique Dd. ff. de V. S. pr. Inst. de inutil. stip. L. 15. §. 2. ff. de re judic. Diss. Sutholt, Dissert. 13. aph. 54.*

*Thef.*

*Thef. 52.*

2. Ut non tantum res propria, sed & aliena commodari, supra *Thef. 30.* ita non tantum res deponentis propria, sed aliena quoque deponi potest, etiam à prædone, fure, & latrone, *L. 1. §. 39. L. 16. & L. 31. §. 1. ff. Depos.* 1. enim res aliena æquè commoda est ad id, quod contractus hujus natura requirit, & 2. hoc utile videtur esse ei, cujus res est, nam ne ea à prædone fortè alienetur, ejus interest rem eam ab alio custodiri, & hinc si dominus rei supervenerit, illi à depositario res ea restitui debet, *d. L. 31. §. 1.*

*Thef. 53.*

Forma hujus contractus consistit in rei gratis custodiendæ & donec deponenti eam reposcere placuerit, asservendæ traditione, est enim contractus realis Depositum, & non nisi traditione rei constituitur *Thef. 2.* in quo hic contractus Realis cum reliquis ejusdem generis convenit, nihilominus in aliis ab iis differt.

*Thef. 54.*

1. Enim quod in hoc contractu res saltem detur gratis custodienda, in hoc ab omnibus Contractibus realibus in genere differt, siquidem hic nulla planè accipientis utilitas subest, quæ tamen subest in reliquis contractibus Realibus: nam mutuatarius sive debitor rem mutuo acceptam vel naturaliter ut triticum, vinum, oleum, frumentum &c. vel civiliter, ut pecuniam, consumit, & commodatarius re commodatâ utitur, *§. 2. Inst. quibus mod. re contrah. obl.* & denique Creditor per pignus acceptum de credito recipiendo securus redditur, *§. ult. Instit. quib. mod. re contrah. obl.*

*Thef. 55.*

2. In specie differt 1. à Contractu Mutui, quod in Contractu Mutui detur saltem res fungibilis, consistens in quantitate, pondere, numero & mensura ad usum, & quidem à Domino *Th. 18.* At in Contractu Depositum non res fungibilis quatenus talis, sed saltem corpus siue res traditur, nihilquē interest siue à Domino, siue à non Domino id fiat. *Thef. 52.* Et licet certa quaedam pecuniæ summa alicui custodienda & asservanda dari possit, functionem tamen casu hoc non recipit, nam secundum essentiam depositi depositarius rei depositæ usum non habet, *L. 29. pr. ff. Depos. L. 3. C. eod.* & hinc si quis alteri certam pecuniæ summam custodiendam tradit, permittit verò, ut alter eam utatur, id, quod ab initio depositum erat, per permissionem illam atque super venientem usum transformatur in mutuum *L. 80. § ult. ff. de contrab. empt. L. 9. § ult. ff. de reb. cred.*

*Thef. 56.*

2. A contractu commodati : nam licet cum hoc id commune habeat depositum, quod æque ut commodatum sit gratuitum, §. 2. *junct. §. 3. Instit. quib. mod. re contrab. obl.* item quod pariter in re aliena consistere possit, *Th. 50.* ab eo tamen differt æque; ut mutuum, in eo, quod Depositario re deposita (ut maneat Depositum, *Th. præced.*) uti permissum non sit, quod tamen & commodatario & mutuuario permissum esse diverso licet modo (nam aliter mutuarius, aliter verò commodatarius re utitur) constat.

*Thef. 57.*

3. A contractu pignoris : nam licet cum hoc conveniat Depositum, quod æque ut contractus pignoris



ris (ut constat ex *Thef. 70.*) admittat & res mobiles, *Thef. 51.* differt tamen à contractu pignoris, quod res aliena quidem deponi, *Thef. 52.* non autem oppignorari possit, *L. 4. ff. quæ res pign. vel hypoth. dat. obl. non poss.* *L. 6. C. 104.* *Thef. 58.*

4. Denique, quia res deposita gratis custodiri & asservari debet, Depositum à Locatione differt: nam licet in Deposito æque ac in Locatione operarum, alterius opera nobis proffit, id tamen utrobique non fit gratis, nam locatori operarum opere perfecto solvenda est à conductore merces, quæ si ab initio statim determinata fuerit, locatio conductio erit, sin minus, contractus innominatus, §. 1. *Inst. de Loc. Cond.* at in contractu Depositum depositarius nobis gratis suâ præstat operam, *Th. 53.* quamvis remunerationis gratiâ honorarium ipsi tradi possit, *L. 2. §. 24. ff. de vi bonor. rapt. Treutl. vol. 1. Disp. 26. th. 1. lit. e.* *Thef. 59.*

Ut verò commodatum *Thef. 36.* ita quoque Depositum ex suâ naturâ contractus unilateralis sive ex unâ saltem parte obligatorius est, & ex accidenti saltem bilateralis sive ex utraqûe contrahentium parte obligatorius fit, ideoque obligatur ex contractu hoc secundum naturam suam saltem Depositarius, sive is, qui rem alterius custodiendam suscepit i. ut rem sibi commissam custodiat & asservet, & quidem gratis, *L. 1. §. 3. & ult. ff. de pos. æquè ut mandatarius, cui mandatum non suscipere liberum est, susceptum autem consummandum est, §. ult. Inst. de mand. & quia in hoc contractu saltem deponentis sive dantis utilitas subest, depositarius dolum saltem & (qui dolo in contractibus æquiparatur, *L. 37. ff. de pos. & L. 1. §. 1. ff. si mens. fal. mod. dix.*) culpam*

D

latam

latam, i. e. damnum ipsius dolo vel culpâ latâ in re depositâ datum præstare debet, *d. L. 32. & L. 1. §. 8. ff. de pos. L. 1. C. cod.* ideoque si Depositarius rem parùm diligenter custoditam amiserit, securus est, & Deponens de se ipso queri debet, quod amico negligenti rem custodiendam commiserit, *§. 3. in fin. Inst. quib. mod. re contrah. obl. L. 23. in fine ff. de minor.* quilibet enim, si non scit, scire tamen debet conditionem ejus, cum quo contrahit, *L. 19. ff. de R. l.*

*Thef. 60.*

2. Obligatur Depositarius, hocq; mortuo ejus heres, ut rem depositam in specie restituat, *§. 3. Instit. quib. mod. re contrah. obl. L. 1. §. 5. ff. d. O. & A. L. 1. §. 36. ff. de pos. L. 7. §. 1. L. 22. cod.* cum omni causâ i. e. cum omni eo, quod ex re depositâ provenit, *L. 31. pr. ff. de reb. cred.* pariter ut in commodato, *Th. 35.* id enim quasi rei depositæ pars est, quæ consequenter simul deposita censetur, *arg. §. 19. Inst. de divis. rer. L. 1. §. 24. ff. de pos. Rittershus. §. 3. Instit. quib. mod. re contrah. obl.* Item quod rei depositæ non ut pars accedit, e. g. vestitus hominis, capistrum vel frenum equi, licet in nomen depositi non cadant, *L. 1. §. 5. ff. de pos.* de iis tamen restituendis depositarius obligatur, *d. L. 1. §. 41.*

*Thef. 61.*

Ut verò revertar ad id, quod in *Thef. 59.* dictum, depositarium teneri saltem de dolo & culpâ latâ, id in quatuor casibus exceptionem patitur, ut (1.) si contrahentes aliter pacto convenerint, pacta enim dant legem contractibus. *L. 23. ff. de R. l. L. 1. pr. ff. de pact. L. 1. §. 6. ff. de pos.* 2. Si depositarius spontè se deposito obtulerit, hic enim omnem diligentiam promississe & consequen-

ter omnis culpæ præstationem in se suscepisse videtur,  
*d. L. 1. §. 35. ff. Depos. 3.* Si casu fortuito res deposita pe-  
rierit, & casum istum mora depositarii in restituendo  
præcesserit, tunc enim non modo de omni culpâ, sed &  
de casu isto præstando depositarius obstringitur, *L. 12.*  
*§. ult. ff. depos. c. ult. de eod. Consult. Constit. Sax. Tom. 3.*  
*part. 1. q. 11. n. 3. 4.* Præter dolum & latam culpam le-  
vem quoque depositarius præstat, si mercedem pro re  
custodiendâ accepit, *Dn. Præses in Lect. ion. publ. ad. L.*  
*23. ff. d. R. l. reg. 1.* quamvis hoc ultimô casu, ut rectè  
monet *Harprecht ad §. 3. Instit. quib. mod. re contrah.*  
*obl. n. 28.* non tam depositum, quam locatio videatur  
per *L. 1. §. 9. ff. depos.*

*Thes. 62.*

Oritur ex hoc contractu secundum naturam ejus  
Actio Depositæ, quâ deponens agit ad id, de quô con-  
tractus initus est, h. e. repetit rem depositam in specie,  
à depositario, vel hoc mortuo ab ejus herede, simulque,  
si damnum aliquod in re depositâ dolo vel latâ depo-  
sitarii culpâ acciderit, ejus præstationem sive æstimatio-  
nem petit secundum modum in *Thes. 59. & 60.* tradi-  
tum.

*Thes. 63.*

Repetitur actiõne hæc res deposita, adeoque actiõ  
hæc regulariter saltem rei persecutoria est, interdum ta-  
men ex superveniente mendaciõ sive delictõ fit mixta,  
tunc nimirum, si quis res ex incendio, ruinâ, naufragio,  
tumultu, aliâque vi majore liberatas sive subtractas vici-  
no suo custodiendas commisit, & vicinus res illas do-  
mino reposcenti negat, negans ex commiseratione  
deponentis condemnatur in duplum *§. 17. & 23. Inst.*  
*de actiõ. L. 18. ff. depos.*

At compensationem Depositarius deponenti opponere nequit etiam si debitum sit liquidum *Sutholt. d. Diss. 13. aph. 57.* Licet enim compensatio in omnibus actionibus locum habeat, excipitur tamen actio Depositum, nam quia Depositum est contractus, qui ex singulari, quam erga hoc vel illud individuum gerimus, affectione atque maximè ex fide oritur, contra fidem & officium amicitiae ageret, qui sub prætenu compensationis depositum reddere negaret, §. 30. *Instit. de act. L. ult. in fin. C. de compensation. L. penult. C. de pos. Dn. D. Ludvv. d. §. 30.*

## DE PIGNORE.

**S**equitur ultimo loco contractus Pignoris, quem ut Seriam paucis consideremus, ratio instituti requirit. Verbum Pignoris diversimodè in jure nostro accipitur: Interdum denotat jus, quod in re oppignoratâ creditor habet §. 7. *Inst. de Act. t. t. ff. qui pot. in pig. hab.* Interdum rem oppignoratam *L. 3. L. 4. ff. de pign. act. & t. r. ff. & C. de distract. pign.* Interdum denique denotat contractum hunc realem §. ult. *Inst. quib. mod. re contrah. obl. L. 1. §. ult. ff. de pact. L. 11. §. 2. verb. ob quam pignus contractum est, ff. d. pign. act. L. 23. ff. de R. J.*

Ultima pignoris significatio mihi hic discutienda est, prout nimirum pignus quarta & ultima contractuum Realium species est, cujus definitionem antequam tradam, pauca quædam de Etymologia pignoris præmittam: Pignus vulgò dictum putant à pugno, quia  
res,



res, quæ pignori dantur, pugno s. manu traduntur *L. 23. §. 7. ff. de V. S.* Et quamvis non tantum res mobiles, sed etiam immobiles objectum pignoris esse possint *Th. 69.* tamen pignus proprie de rebus mobilibus, hypotheca verò de immobilibus dicitur quamvis promiscuè accipiuntur *L. 1. pr. L. 8. pr. L. 21. ff. de pignor. act. L. 11. verb. fundus pignori datus ff. de pignor. & hypoth.* & hinc quoad actionem hypothecariam nihil inter pignus & hypothecam interest, sed de utroque actio hypothecaria datur. *§. 7. Inst. de act. Vid. Anton. Tressaur. Dec. 176. n. 6. & 7.*

*Thes. 68.*

Est autem pignus, prout hîc id considero, Contractus Realis, quo debitor in securitatem crediti rem creditori eâ lege tradit, ut eam interim retineat, soluto autem debito sibi eandem in specie restituat *s. ult. Inst. quib. mod. re contrah. obl. L. 1. L. 11. §. 2. ff. de pignor. act. L. 9. §. ult. ff. de supellect. legat. Treutl. vol. 2. Disp. 1. th. 1. item Vultejus d. s. ult. Inst. quib. mod. re contrah. obl. n. 1.*

*Thes. 69.*

Contractum pignoris incunt, ut ex allatâ definitione fluit, Debitor dans pignus, & Creditor id accipiens, modò debitor rem, quam pignori dare vult, in suis bonis habeat, nam qui Dominus non est vel rem in bonis non habet, is pignori eam dare & obligare nequit *L. 1. 2. 6. & 1. 5. C. si alien. res pign. dat. L. 2. ff. de pignor. act.* nemo enim plus juris, quàm ipse habet, ad alium transferre potest *L. 54. ff. de R. 3. L. 6. C. quæ res pign. oblig. poss. vel non.* Et hinc debitor vergens ad inopiam in fraudem vel præjudicium creditorum suorum pignora dare vel hypothecam constituere nequit *L. 6. §. 6. in fin. ff. quæ in*

*fraud. cred. fact. gloss. in L. 2. verb. prapонат. ff. cod. Ber-  
lich. decis. 128. n. 1.*

*Thes. 70.*

Objectum hujus contractus esse possunt omnes res, siue sint mobiles, siue immobiles *L. 16. § ult. ff. de pignor. actio.* modò 1. in commercio sint, ut enim de rebus sacris, sanctis, & religiosis, publicis, liberisque hominibus non valet stipulatio *§. 2. Inst. de inutil. stipul.* nec emptio *§. ult. Inst. de empt. vend.* ita nec contractus pignoris, hæ enim pignorationem non magis recipiunt, quàm res alienæ *L. 1. § ult. & L. ult. ff. quæ res pignor. vel hypoth. dat. oblig. non poss. L. 3. & 6. C. cod.* An autem quis rem immobilem absque consensu superioris, sub quo sita est, oppignorare possit, quæritur? Mihi placet distinctiō tradita in *Consult. Const. Sax. tom. 1. part. 1. quæst. 10. n. 2.* Aut oppignoratio fit in præjudicium & defraudationem prioris creditoris, aut citra ullius detrimentum: Priori casu consensum superioris necessarium esse puto, ne alter qui bonâ fide contraxit, decipiatur, deceptis enim non autem decipientibus subueniendum est, ut dicitur in *L. 1. ff. ad SCt. Vellejan. Vid. d. Consult. d. 1.*

*Thes. 71.*

2. Non de iis sit certis quibusdam causis interdicta conventio: Hinc res litigiosæ, (dicuntur autem litigiosæ, de quibus lis mota est *Matth. Wesenb. w. ff. tit. de Litigios. n. 2.*) quia lis mora præjudicium proprietati (sine quâ oppignoratio non procedit) generat, itidem non magis, quàm res alienæ oppignorari possunt *1. 1. ff. & C. de Litigios.* Item oppignorari nequeunt bona immobilia mulieris, e. g. fundus dotalis *§. 1.*

§. 1. *Inst. quib. alien. lic. vel non.* dubio procul propterea, ne, ut loquitur *Bronhorst, ad L. 23. ff. de R. J. reg. 3.* uxor decoctis à marito rebus egestate laborare cogatur, quod facile eveniret, si prædium oppignoratum ob moram in solutione à marito commissam distraheretur, siquidem creditori justo tempore non solventi pignoris distractio conceditur §. 2. *Inst. quib. alien. lic. vel non.* etiam si de eâ inter debitorem & creditorem conventum non fuerit *L. 4. ff. de pignor. act. Matth. Wesenb. π. ff. de distract. pign. n. 1.*

*Thes. 72.*

Item ex eodem fundamento, quod rem alienam oppignorare non liceat, fluit, quod nec Vassallus feudum oppignorare possit 2. *Feud. 55. pr. & arg. L. ult. C. de reb. alien. non alienand.* feudum enim quoad proprietatem Domini est 2. *Feud. 8. v. quamvis enim possessio &c.* non vassalli, ad hunc enim saltem ususfructus pertinet 2. *Feud. 73. Dn. Ludw. in Synops. feud. c. 18. pag. 448. Harprecht. ad §. ult. Inst. quib. mod. re contrah. obl. n. 174. 185. & 176.*

*Thes. 73.*

3. Non sint alienæ, nam res alienas pignori dari non posse demonstrat *L. 1. ff. de pignor. act. L. 1. L. 2. L. 6. & L. 7. C. si alien. res pignor. dat.* tum quod, quia res aliena in bonis oppignorantis non est, ab eo alteri jus aliquod in illâ constitui nequeat *arg. L. 54. ff. de R. J.* tum quod ratio pignoris, quæ consistit in eo, ut alterum reddamus securum §. ult. *Inst. quib. mod. re contrah. obl.* cesset in re alienâ *d. L. 54. ff. de R. J. L. 6. C. quæ res pign. oblig. poss. vel non.*

*Thes. 74.*

*Thef. 74.*

4. Non sint vitiosæ, ut enim emptio venditio, si in qualitate sive materia error intervenerit, veluti si quis æs pro auro emerit, nulla est *L. 14. in fin. ff. & L. 9. § ult. in fin. ff. de contrah. empt.* ita nec pignus contractum videtur, si quis æs pro auro dederit *L. 1. §. ult. L. 36. pr. ff. de pign.* quamvis quidam hoc casu creditori actionem pignoratitiam contrariam dari existiment, sed malè, nam quia error secundum regulam pervulgatam excludit consensum, & consequenter contractus eo casu, quo error intervenit, ipso jure nullus est, frustra actionem contrariam competere dicendum est.

*Thef. 75.*

Ut verò certis quibusdam ex causis res litigiosæ, item prædium dotale *Thef. 71.* ita ex speciali ratione aliæ quædam res oppignorari nequeunt, ut arma, ne scil. impediatur militia *arg. L. 14. §. 1. ff. de re milit.* item instrumenta rustica, ne scil. impediatur cultus agrorum *L. 7. L. 8. & auth. seq. C. qua res pign. obl. poss. vel non.* Ob paritatem rationis, ne sc. impedian- tur studia, studiosum, etiamsi posset, non tamen debe- re libros oppignorare statuo.

*Thef. 76.*

Forma hujus contractus consistit in rei securitatis gratiâ factâ traditione, ut ostendit definitio pignoris tradita in *Th. 68.* Differt autem contractus pignoris à reliquis contractibus realibus omnibus primò in genere, secundò à quolibet seorsim & in specie: In genere dif- fert à reliquis contractibus hic contractus, quod in hoc utriusque contrahentis *L. 5. §. 2. ff. commod. L. 108. §. 12. ff. de legar. 1.* (nam debitor dans pignus facilè credito- rem



rem invenit; & creditor, quia pignore satis ipsi cautum est, §. ult. *Inst. quib. mod. re contrah. obl.* parcus non est in erogandâ pecuniâ) at in illis saltem unius utilitas subsit.

*Thes. 77.*

Secorsim & in specie differt contractus pignoris 1. à contractu mutui, quod in hoc transferatur proprietas *pr. Inst. quib. mod. re contrah. obl.* at in illo saltem possessio §. 10. *Inst. de obl. quæ ex delict. nasc.* manet enim pignus in dominio debitoris huicque perit *L. 93. C. de pignor. act.* 2. à contractu commodati, quod in hoc alteri concedatur usus §. 2. *Inst. quib. mod. re contrah. obl.* at pignore uti non liceat, nisi pacto conventum fuerit, quæ pignoris species *avriχρηστος* appellatur *L. 33. ff. d. pign. act. L. 11. §. 1. ff. de pign. & hypoth. Gail. 2. obs. 3. n. 1. & 2.* nam si contra domini voluntatem quis fructus rei oppignoratæ percipit, in causam furtivam fructus cadunt *L. 4. §. 1. ff. de reb. cred. Consult. Const. Sax. rom. 2. p. 1. q. 1. n. 105. 3.* Denique à contractu depositi, quod depositum quâncunq̃, at pignus non nisi soluto debito reperti possit.

*Thes. 78.*

Secundum naturam hujus contractus obligatur saltem creditor & quidem 1. ut intermedio, quod inter acceptum & restituendum pignus intercedit, tempore rem oppignoratam ita asservet, ne in illâ dolo latâ vel levi ipsius culpâ damnum aliquod accadat, ad hoc enim præstandum obligatus est creditor, si verò levissimâ culpâ pignori nocuit, hoc ipsi non nocet, nam quia pignus est contractus, in quò utriusque contrahentis utilitas subest, *Th. 76.* creditor si pignus perierit, dolum

E

saltem,

saltem, culpam latam ac levem præstat *L. 5. §. 2. ff. com-  
mod. Dn. Præses in Lect. publ. ad L. 23. ff. de R. J.*

*Thes. 79.*

2. Obligatur creditor, ut pignus debitori debito  
soluta reddat in specie §. ult. *Inst. quib. mod. re contrah.  
obl.* & quidem unà cum fructibus, vel, si hos reddere  
nolit vel non possit, concedere debet, ut in sortem im-  
putentur *L. 1. 2. 3. & ult. C. de pignor. action. creditori e-  
nim, ut constat ex Th. 77. pignore regulariter uti non li-  
cet; Imò etiam Jure Canonico fructus semper compu-  
tari in sortem debent. c. 4. de pign. c. 1. & 2. d. usur. An-  
ton. Tessaure. decis. 78. n. 1. & 2. Add. Consult. Const. Sax. tom.  
1. p. 1. q. 52. n. 2. & tom. 2. part. 1. q. 1. n. 22*

*Thes. 80.*

Quod si fortè Creditor in rem oppignoratam  
sumprus necessarios atque utiles fecit, è contrario & ex  
accidenti creditor debitorem obligatum habet *L. 25. ff.  
de pignor. act. L. 7. in fin. C. eod.* imò tamdiu pignus reti-  
nere potest, donec sumptos illos à debitore consecu-  
tus fuerit *L. 10. C. de pign. act.*

*Thes. 81.*

Sed quia parùm prodesset alterum habere obliga-  
tum, nisi remedia, qualia & actiones sunt, quid ab in-  
vitis extorquendi superessent, ideò ex hoc contractu  
oritur actio pignoratitia competens debitori dicta cum  
adposito directæ, ad hoc enim actio hæc dirigitur à de-  
bitore contra creditorem, ut ab hoc pignus suum se-  
cundum modum in *Th. 78. & 79.* traditum recuperet;  
Actio verò hæc non nascitur, nisi vel pecunia debita sit  
exsoluta, vel eo nomine creditori satisfactum *L. 4. §. 1.  
ff. de reb. cred.* adeoque non nisi pecuniâ oblatâ vel solu-  
ta de-

ra debitor creditorem ad hoc, ut sibi pignus restituar, cogere potest. *L. 9. §. 3. ff. de pign. Consult. Const. Sax. tom. 2. part. 1. q. 1. n. 16. & 67*

*Thes. 82.*

Si autem sumptus necessarios ac utiles creditor in rem oppignoratam fecit, idèd, ne officium suum ipsi damnosum sit, conventus à debitore huic pro recuperandis sumptibus illis opponere potest actionem pignoratitiam cum adposito contrariam, hac enim creditor petitioni sive actioni debitoris tam diu quasi contrariatur, donec sumptus in rem oppignoratam factos receperit *L. 25. ff. de pign. act. L. 7. in fin. C. cod.* Sin verò creditor debitum planè consequi à debitore nequit, pignus vendere seu distrahere & sibi de pretiò satisfacere potest *§. 2. Inst. quib. alien. lic. vel non t. r. ff. & C. de distract. pign. de quo distrahendi jure vid. Matth. Wesenb. π ff. d.*

*t. n. 1. & Hartm. Piss. lib. 3. quæst. 18.*

---

**I**gneæ virtutis decorat vis stemmata tantum,  
Nobilis hac famam, perpetuatque suam.  
Cervical lauro gravidum sublimia tangit  
Sydera, doctrinæ nescia vita jacet.  
Quam calcas Generose viam? quibus astra recumbunt  
Templis, inscribis nomina digna cedro,  
Themata dum doctè proponis acuta REALIS  
CONTRACTUS; laudes CONTRAHIS ipse Tibi.

*Hæc pauca à s. J. d. x. i. u. apponere voluit LMg,*

OTTO HAACKE, Nob. Misn.

---

**H**eyrer Freund der Pierinnen/  
Und auch meiner / deine Lust /  
Und dein liebliches Beginnen /  
So ize heget deine Brust /  
Hier an unsern Saalen-Flüssen /  
Wird dir Lob erwerben müssen.

2. Denn

2. Denn Astra selbst dich liebet/  
 Und dir ewigen Ruhm erwirbt/  
 Weil dein Edler Geist verübet  
 Etwas/welches nimmer stirbt/  
 Und nach grauen Zeiten grünet/  
 Weil die Tugend dich bedienet.
3. Swarten Helmen/Schild und Fahnen/  
 Und von Zeit zu Zeiten hin  
 Zehlen unverfälscht die Ahnen/  
 Scheinet rühmlich manchem Sinn/  
 Doch noch höher ist zu halten/  
 Wenn in Tugend Sie veralten.
4. Drüm/ in dem du dieß bedencktest  
 Mein Achates/nimmst du dir/  
 In dem du dich dahin lencktest/  
 Euserne Gedanken für/  
 Und wilst durch erhitzte Sinnen/  
 Doppelt Lob forthin gewinnen.
5. Fahre fort in den Gedanken/  
 Setze deinem Adel zu  
 Noch mehr Glantz in diesen Schranken  
 Zum Exempel solst auch du  
 Mir in meinem Vorsatz bleiben/  
 Niemand soll mich hiervon treiben.
6. Leb' indessen nach Behagen/  
 Gottes stärcke Gnaden Hand  
 Leite dich bei Nacht und Tagen/  
 Und der Freundschaft Liebes Band/  
 Weil wir von einander scheiden/  
 Laß das Absain nicht zerschneiden.

Glückwünschend wolte mit diesen geringfügigen  
 Zeilen seinem treuen Freund beeten

Jon Albrecht von Meußbach/  
 Eques Variscus.

F I N I S.

